

مستطابق

محل مطبعه دارداره :

جفال اوغلنده امنيت

صندوغى جوارنده

شنگول يقوشنده

۲۵ نومرو

اضطار :

مسلكمزه موافق آثار

جديه مع الممنونيه

قبول اولنور

درج ايدلمهين آثار اعاده اولنماز

ديگر ، فلسفه ، علوم ، حقوق ، ادبيات تاريخ ، سياست ، احوال و شئونه اسلاميه در بحث ايدره هفته دره بر نشر اولنور .

آبونه بدلى

صاحب ومؤسسلى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

تاريخ تأسيسى

قيرلهدن مقوا بورو ايله كوندريپيرسه سنوى

۲۰ غروش فضله آلنير

۱۰ تموز ۳۲۴

سنه لى	اتى آيلنى	غروش
۶۵	۳۵	۳۵
۶۰	۳۰	۳۰
۱۷	۹	۹

ممالك عثمانيه ايچون

روسيه

سائر ممالك اجنبيه

ایشته مصر لیلرله انکیزلر آردسند بویله بر حائل بولنسی حقیقتک مجهول قلمنی ایجاب ایدیور .
لورد کیچنرده بر چوق زمانلر مملکت مزده اوطور مش اولقله برابر بزه عائد آز چوق معلومات ایدینه مش اولانلردن بریدر . فرض ایدلمکه وقیله مصری ای آکلامش اولسون ؛ لیکن بوراده بولنیله بری ایشلر اوقدر دیکه ششدرکه شوقیسه مدت ظرفنده احوالی قابل دکل احاطه ایدمه جکدر .

ذاتاً لوردک هراشی حقیله اوکرندیکی ، انکیزه یده مصرک آرتق اعاده صالح وسکون ایتش اولق حسیله قانون اساسی به ، استقلاله اهلیت کوستردیکنی یازسه بیله حکومت بوتکلیفی حصیر آلتی ایدمک دکلیدر ؟

کوزلریز ایله کوردک که مصرک انکیزه مستعمره سی حالنده قلمسینه طرفدار اولانلر بزه اختلال چیقارمق ایچون سلاح ، مهمات تدارکی کی هیچ خاطریمزه کلیان اسناداتده بولندیلر بوندن بشقه بزی تعصب دینی ایله ، هانکی قومیته منسوب اولورسه اولسون بتون اجنبیلره قارشى عداوتله اتهام ایتدیلر ؛ یالان ، افترا طور به سنده نه وارسه هپسنى برر برر چیقاروب اوزریمزه طوغری فیرلاتدیلر .

لورد کیچنر بوللرک هپسنى پک اعلا بیلر . لیکن شبهه یوقدرکه حکومت نزدنده موقعی بودر جهلرده یوکسک اولان بر آدم سویله جکی سوزک اول امرده حسن قبوله مظهر اولسنى دوشونور ؛ یعنی دیکلنمیه جک سوزی سویله مز .

لیکن اگر لورد کیچنر حربده اولدینی قدر سیاستده عزم صاحبی ایسه کذلک ، سویله جکی حقلی بر سوزک حکومت طرفندن قبول ایدلما سی ملتک نزدنده کی اعتبارینی تنقیص ایتیه جکنه قائل ایسه مملکت مزى اشغال ایدنلر جه علیهمزده سویلن سوزلرک ماهیتى منافقردن مداهنلردن دکل ، ارباب ناهوسدن تحقیق ایدمک میدانده کی افترا لری تکذیب ایتک البتده کنندیسى ایچون بروظیفه اولور .

بز لورددن بوکون نه خیر بکلورز ، نه ده شر . نه زمان یاکندی رأی یاخود کنندیسيله کوروشلرک رأی کورورسه ک اوزمان تدقیق ایدوب بر حکم ویریرز . یوقسه شمیدیکی حالده لورد بزجه تزهه چیقمش برسیاحدرکه مصرک لطیف منظره لری ، طبیعی کوزلرک لری تماشا ایچون کلشدر . اوت اومنظره لری ، اوکوزلرک لری که انکیزلرک اثر صنعی اولمایوب صرف دست خلقتک کاریدر .

روسیه مجلس مبعوثانده قزانه مبعوثى صبرى افندى

مفسرینک مرسوم بر نطقی

« صراط مستقیم » قارئینه معلومدرکه بر بحق آیدن بری روس مجلس مبعوثانى ، روسیه لی مسلمان قارده شلریزک استقباللری ایچون فوق العاده حائز اهمیت ، تدریسات ابتدائیه قانون لایحه سنک مذاکره سیله مشغولدر . مذاکره اثناسنده آزلقلرینی اقدام وغیرتلیله تضمینه جالیشان مسلمان مبعوثلری ، مدافعه حقوقدن اصلا کیری طور مندیله ؛ هر بری بر قاج دفعه جدی ومهم نطقلر سویله دیلر .

بصره نك لايقيله ترفيسنه مانع برده ففدان آسایش ومشوش بر نفوذ ومداخله خارجیه واردرکه بو جهتلری اهمیتی حسیله انشاء کله جک مکتوبده بیلدیرم . اکر بوتون بو احوال افکار عمومیه مزه ، مجلس عمومیه مزه ونهایت حکومت مزه معلوم اولدینی حالده یته قیلمد انزسه ق ، یته منجمد قالارق هیچ آلدیرمازسه ق ، آرتق بو مملکتی اداره ایتک ایشک آری اولمادیغمزی حقیقه اثبات ایتش اولورز .

لورد کیچنر مصرده نه یاپه جق ؟

الواء رفیق محترمزدن :

لورد کیچنرک مصری زیارت ایتسینه اوروپا مطبوعاتجه ویریلن اهمیتی بزم یرلی جریده لریز ویرمیدی . زیرا انکیزلرک بوکونکی سیاستلرنده کی شدتی طوغربدن طوغری به مصر لیلر چکدیکی ایچون بولنر ایشک ده ایلرینه کیدیه بیله جکنه احتمال ویره میورلر .

اوروپا غزته لرینه کلنجه بولنر کیچنر حقنده او یله بر طاقم ظنلر بسلیورلرکه هیئت مجموعه سی ، لوردکده مصر لیلرک استقلاله اهلیتی اولدینگی ، انکیزلرک مصرده ابدیاً یرلشوب قالمقده حقلی اولدینگی اعدادن بشقه بر غرض بسله مدیکنه دلالت ایتکده در . هر نه قدر مسلک لری آردسند کی اختلاف رغماً اوروپا غزته لری ایچون لورد کیچنرک مصری زیارتندن بحث ایتک اوروپا لیلرک انکیز اشغالی یوزندن بر مصیبت ایچنده بولندیغمزی اکلامش اوللرینه دلالت ایتکده ایسه ده اولنر بو مصیبتک درجه سنی قابل دکل اکلایه مازلر . انکیزلر ایسه بو مصیبتی تشدید ایچون هیچ بروسیله بی قاجیر مامشلردر . نته کیم مراجعت ایتدک لری هیچ بر واسطه شدت قالمامشدر .

لورد کیچنر مملکت مزه صرف زیارت مقصدیله کلدیکی ایچون « سیرغورست » ک سیاستنه اشتراک ایتک ، یاخود او سیاستی تنقید ایتک صلاحیتی حائز دکلدر . ایشک غایتی مصرده کوردکلرینی یا تحریراً حکومتنه بیلدیره جک ، یاخود عودتنده شفاهاً اکلایه جقدر . لیکن اکر بویله ایسه انکیزه حکومتی لورد کیچنر اعتمد خصوصنده بیوک بر خطا ایدیور . زیرا لورد مصرده انحق بر قاج کون اوطوره بیله جک که بوقدر قیسه بر زمان ظرفنده ایشلر حقیله اوکره نیله مز . ذاتاً لورد بر ضیافتدن چیقوب برینه کیریور . بوندن بشقه انکیز دوستلریله ، یرلیدن سودکلرندن بشقه سیله ملاقاتده بولمیور . حاضر لولدینی جمعیتلرده کی آدم لرکده بر قسمی ، نزاکته رعایتله بر قسمی ده صرف متصف اولدینی نفاقک ، مداهنه کارلغک سوقیله لوردک حضورنده مصر لیلری انکیز اشغالندن ممنون کوستریرلر . بوکی جمعیتلرده طبیعی بشقه لری قالقوبده کیچنرک یوزینه قارشى حقیقتی سویله مهبی آداب مخالف کورورلر .

او حالده لورد کیچنر مصرده جریان ایدن احوالی حقیله نرهدن اوکره نیله جک ؛ صکره ، انکیزه حکومتی بونک مشاهداتنه فصل اعتمد ایدمیه جک ؟ انکیزلر بومملکتلرده سنه لرحه بولندقلری حالده احوال محلیه عائد اولق اوزره بوراده بر چوق پاره ، بر چوق اسباب رفاهیت بولندیغندن بشقه برشیدن خبردار اولمیورلر . چونکه اهالی ایله اختلاط ایتدک لری کی زواللیره هیچ اهمیت ویرمیورلر .